



Broj: 11-37-16801-1/16

Zenica, 21.10.2016. godine

Na osnovu člana 13. stav 1. alineja 9. i člana 119. stav 2. alineja 11. Zakona o zdravstvenoj zaštiti („Službene novine FBiH“ broj 46/10), člana 10. tačka 5. Zakona o zaštiti stanovništva od zaraznih bolesti Federacije BiH („Službene novine FBiH“ broj 29/05) i Zaključka Vlade Zeničko-dobojskog kantona o usvajanju Programa provođenja jesenje faze obavezne preventivne sistematske deratizacije na području Zeničko-dobojskog kantona u 2016. godini broj: 02-37-16801/16 od 06.10.2016. godine, a u vezi sa članom 13. Zakona o kantonalnim ministarstvima i drugim tijelima uprave („Službene novine Zeničko-dobojskog kantona“, broj: 13/08), donosim

N A R E D B U

o provođenju obavezne preventivne sistematske deratizacije na području Zeničko-dobojskog kantona – jesenja faza 2016. godine

Obaveznu preventivnu sistematsku deratizaciju na području Zeničko-dobojskog kantona-jesenja faza 2016. godine provesti od 31.10. do 07.12.2016. godine.

Deratizaciju će na svim općinama/gradima Kantona, prema ovjerenom rasporedu, organizovati i sprovesti Institut za zdravlje i sigurnost hrane Zenica.

Stručni nadzor nad provođenjem preventivne sistematske deratizacije na površinama i objektima obaviti će higijensko-epidemiološke službe domova zdravlja.

Deratizaciju izvesti sa antikoagulantnim rodenticidima druge generacije visokog učinka.

Obaveznom preventivnom sistematskom deratizacijom će biti obuhvaćeni slijedeći objekti i površine:

1. Javne i zelene površine u pojasu naselja sa koncentrisanim stanovništvom (gradska naselja),
2. Obale površinskih vodotokova u gradskim i prigradskim zonama,
3. Centralne deponije kao i nezvanična (neorganizovana) smetlišta u gradskim naseljima,
4. Vaspitno-obrazovni i kulturni objekti i njihovi prostori,
5. Kolektivni centri za smještaj i boravak izbjeglih i prognanih lica,
6. Objekti javnih zdravstvenih ustanova,
7. Javne ustanove administrativnog karaktera,
8. Individualne stambene zgrade u privatnom vlasništvu u užim zonama gradskih naselja,
9. Vjerski objekti i groblja u gradskim naseljima,
10. Kanalizacione mreže sa šahtovima i izlivnim kolektorima,
11. Objekti i površine javnih preduzeća i organizacija i svih fizičkih, pravnih i ostalih lica uključujući sve uslužne djelatnosti,
12. Stacionirani objekti i sredstva javnog saobraćaja,
13. Objekti za proizvodnju i promet živežnih namirnica i predmeta opće upotrebe (korisnici i vlasnici istih),
14. Objekti za pružanje usluga javne higijene i
15. Zajednički prostori stambenih zgrada (podrumi i tavani).


Troškove deratizacije pod rednim brojem 1. do 9. snose Kanton i grad/općine iz svojih budžeta, a troškove pod rednim brojem 10.,11.,12.,13.,14. i 15. snose subjekti koji njima upravljaju.

Subjekti koji podliježu provođenju obavezne preventivne sistematske deratizacije dužni su obezbjediti nesmetan rad izvođačima. U protivnom će biti sankcionisani prema važećim propisima.

Nalaže se svim gradskim/općinskim načelnicima sa područja Zeničko-dobojskog kantona da na osnovu ove naredbe izdaju odgovarajuće općinske naredbe, te da odrede općinske sanitarne inspektore koji će provoditi inspeksijski nadzor nad izvođenjem akcije sistematske deratizacije na svojim područjima.

Zadužuje se Kantonalna uprava za inspeksijske poslove da osigura inspeksijski nadzor nad provođenjem akcije preventivne sistematske deratizacije na području Kantona putem ovlaštenog sanitarnog inspektora.

Zadužuju se Institut za zdravlje i sigurnost hrane Zenica, gradski/općinski načelnici i direktori domova zdravlja da putem ugovora regulišu odnose u sprovođenju predmetne deratizacije.



MINISTAR

Dragoljub Brenjo
Dr Dragoljub Brenjo

PRILOG: Raspored provođenja sistematske deratizacije

DOSTAVLJENO:

- 1x Svim općinskim načelnicima i gradonačelniku na području ZDK,
- 1x Institut za zdravlje i sigurnost hrane Zenica,
- 1x Kantonalni sanitarni inspektor,
- 1x Općinski sanitarni inspektori,
- 1x Svim direktorima domova zdravlja na ZDK
- 1x Arhiva.